

Vassina pa COVID-19 na Massachusetts pa Pessoas ki ten Dos o Mas di Sertus Problemas di Saúdi



A partir di 18 di Febrero di 2021, pessoas ki ten dos o mas di sertus problemas di saúdi ta kualifika pa toma vassina pa COVID-19 na Massachusetts. Vassina pa COVID-19 é seguru y ta dadu di grassa.

Kualifikason

CDC dja defini kel lista di problemas di saúdi li mas baxu ki ta kauza pessoas di korre un **risku mas grandi** di duensa gravi si es panha COVID-19. Massachusetts tanbé dja identifika asma moderadu-pa-gravi komu un problema di saúdi ki ta kualifika.

Pessoas di 16 anu y mas idadi ki ten dos o mas di kes problemas di saúdi ta kualifika pa toma vassina a partir di dia 18 di Febrero di 2021. **Bu ka meste nota di dotor o otu dokumentu pa mostra ki bu ten dos o mas di kes problemas di saúdi mas riba.**

Problemas di saúdi:

- [Kankru](#)
- [Duensa Renal Kroniku](#)
- [COPD \(duensa pulmonar obstrutivu kroniku\)](#)
- [Sindroma di Down](#)
- [Problemas di korason, sima insufissiensi kardiaku, duensa di arteria koronaria, o kardiomiopatia](#)
- [Stadu imunokprometedu \(sistema imuni fraku\) pamodi transplanti di organ solidu¹](#)
- [Obezidadi y obezidadi gravi \(indissi di massa korporal \[BMI\] di 30 kg/m² o mas altu\)
 - Kalkula bu BMI li: \[Kalkulador di BMI di Adultu | CDC\]\(#\)](#)
- [Gravidez²](#)
- [Duensa di Sélula Falsiformi \(sickle cell\)](#)
- [Fumu](#)
- [Diabeti mellitus di Tipu 2](#)
- [Asma \(moderadu-pa-gravi\)](#)

Sabe mas na [CDC: COVID-19: Pessoas ki ten Sertus Problemas di Saúdi](#)

Kandu ki N pode ser vassinadu?

Vassinason pa pessoas ki ten 2 o mas di sertus problemas di saúdi na lista mas riba ta kumessa na dia 18 di Febrero di 2021 y ta kontinua duranti restu di invernu, primavera y veron. Markason di apontamentu pa kes pessoas li ta sta disponivel a partir di 18 di Febrero di 2021.

¹ Es grupu li ka ta inklui pessoas ki ten imunidadi konprometedu pamodi otus problemas di saúdi, sima sangui o transplanti di medulla, o HIV (virus di Sida)

² Si bu stiver gravida o ta amamenta mininu, y bu tiver duvida si bu debe toma vassina, un konversa ku bu profesional di saúdi pode djudabu faze un dessizon ben informadu. Sabe mas sobri [seguransa di vassina y gravidez](#).

Vassinas pa COVID-19 ki ten gossi ta iziji pa tomadu dos dozis. Bu ka ta fika konpletamenti vassinadu antis di bu toma tudu dos dozis, y tudu dos debe ser dadu na mesmu lugar.

Modi ki N ta marka un apontamentu?

Apontamentus pode markadu pa interneti (online) na weseite vaxfinder.mass.gov. Pessoas pode poi ses kodigu postal (ZIP Code) o nomi di ses sidadi pa es atxa un apontamentu *online*. Pur enkuantu prokura di apontamentus é mutu txeu y kuantidadi di vassina é limitadu, nu ta kontinua ta kressenta novus apontamentus na website regularmenti y lugaris di vassinason txomadu *mass vaccination sites* (lugaris di vassinason di grupu) ta ten mas apontamentus disponivel. Nes momentu, *mass vaccination sites* ta poi apontamentus tudu semana, na kinta-fera, y alguns lugaris mas pikenu, sima CVS, ta poi ku mas regularidadi. Si bu ka konsigui marka un apontamentu, nu ta pidi pa bu kontinua ta djobe na website.

Passus pa marka un apontamentu:

1. Vizita vaxfinder.mass.gov
2. entra bu ZIP Code o Sidadi pa atxa un lugar
3. Tene tudu informason importanti ku bo, sima bu karton di seguru
4. Prienxe formulariu autu-konprovativu duranti prussessu di markason di apontamentu

Lugaris di Vassinason

Pamodi kuantidadi di vassina é limitadu, **bu pode ten ki spera varius semanas pa marka un apontamentu**. Pur favor, vizita [webpage ku lugaris di vassinason](#) pa lista di lugaris di stadu (Commonwealth) ki sta abertu gossi, inkluindu:

1. **Mass vaccination sites** (lugaris di vassinason di grupu), sima Gillette Stadium, Fenway Park, Eastfield Mall na Springfield, DoubleTree Hilton Hotel na Danvers, Reggie Lewis Center na Roxbury y otus. Gossi kes lugaris li ten mas apontamentus disponivel;
2. **Klinikas di vassina** rejional jeridu pa delegassia di saúdi (*board of health*) lokal;
3. **Mas di 100 farmassias lokal** y retalhistas/lojas ki sta da vassina; o
4. **Propriedadi unde ki bu ta mora.** Si bu ta mora na [kaza publiku o privadu assessivel pa idozus di rendimentu baxu](#) talvez sta planiadu un klinika la mé, pergunta jerensia di konpanhia.

Toma nota pur favor, es lista ta ser atualizadu txeu bes sima *sites* di notissias ta podu na interneti. **Tudu lugaris di mass vaccination ten assessu pa kadera di roda y utentis ka meste uza skada.** Txeu di kes lugaris ten un aria pa dixa pessoas ki pode benefissia pa anda un distansai kurtu y pessoas ka ta fika na fila di spera na rua. Alguns lugaris tanbe pode djuda ku mobilidadi. **Servissus di tradusson pa otus linguas sta disponivel na tudu lugaris di mass vaccination** y mutus otus lugaris di vassinason. Djobe dretu pormenoris di un lugar di vassinason determinadu pa bu dessidi si kel lugar ta sirbi bus nessessidadis di assessu.

Ajuda pa Marka un Apontamentu

Pessoas ki **ka pode uza o ten difikuldadi di assessu pa interneti** pa marka un apontamentu *online*, es pode telefona pa **Massachusetts Vaccine Scheduling Resource Line** pa marka:

Txoma 2-1-1 (877-211-6277) y sigui instrusons di ajuda pa marka un apontamentu

Orariu di Funcionamentu:

Di Segunda pa Kinta-fera, di 8:30 di plamanhan ti 8:00 di noti

Di Sesta-fera pa Domingu, di 8:30 di plamanhan ti 5:00 di tardi

Massachusetts Vaccine Scheduling Resource Line sta disponivel na Ingles y na Spanhol y ta ten tradutoris disponivel pa djuda residentis na serka di otus 100 linguas. Pessoas ta pode papia diretamenti ku un reprezentanti pa telefoni ki ta djuda marka apontamentu atraves di sistema di stadu na interneti. **Kes reprezentantis ta marka apontamentu na kel mesmu website publiku ki sta na interneti; es ka ta da pessoas assessu pa otus apontamentus.** Si ka ten ninhun apontamentu disponivel, pessoa ki faze xamada ta ten opson di da nomi pa un lista pa ressebe xamada di un lugar di vassinason di grupu (*mass vaccination site*). Pessoa ta txomadu pa telefoni ora ki parse un apontamentu na un lugar di vassinason di grupu y lista ta sigui ordi di entrada di nomi.

Bu seguru di saúdi tanbé pode djuda ku markason di un apontamentu.

Pa pessoas ki ka pode sai di ses kaza pa un apontamentu mediku sen ser di anbulansia o ku ajuda di dos pessoas, stadu di Massachusetts sta enpenhadu na garanti ki tudu pessoas ki ta kualifika pa toma vassina ta ten assessu pa el. Mas informason sobri opsons di vassinason pa kes pessoas ta ser dadu en brevi. Toma nota pur favor, alguns pessoas pode toma vassina si es ta vive na un propriedadi ki ta kualifika pa kaza assessivel pa idozus, unde ki un klinika na kel propriedadi pode sta planiadu.

Kriterius di Kualifikason

Kandu bu marka bu apontamentu o na ora di bu apontamentu, bu ta pididu pa djobe kriterius di kualifikason y pa bu konfirma ki bu ta kualifika pa toma vassina. Konprovason ta ser fetu verbalmenti pa telefoni, verbalmenti o pur skritu na lugar di vassinason, o si bu marka na interneti ten un instrumentu la na markason di apontamentu pa bu konprova. Bu pode tanbé sigui instrusons na interneti y prienze [Formulariu di Vassinason pa COVID-19 na Massachusetts disponivel na website di mass.gov](#).

Bu ka meste nota di dotor o otu dokumentu pa mostra ki bu ten dos o mas di kes problemas di saúdi mas riba. Bu pode toma vassina mesmu ki bu ka tiver seguru di saúdi, nunbru di Social Security (SSN) o karton di identidadi ku fotu. Mas, si bu tiver kualker di kes informason o dokumentu, traze es ku bo pur favor.

Nunka bu ta pididu nunbru di bu karton di kreditu o kualker otu forma di pagamentu pa vassina

Importancia y Seguransa di Vassina pa COVID-19

Vassinas pa COVID-19 é seguru. Vassinas pa COVID-19 ki ten gossi es foi aprovadu y rekomendadu pa FDA y pa *Advisory Committee on Immunization Practices* (Kumité pa rekomendasen sobri pratikas di vassinas) di CDC na kunprimentu di prossessus padron pa faze testis y pa aprovason di vassinas. Vassinas ta passa pa un prossessu rigorozu di testis y ensaius klinikus ku partissipantis variadus antis di es ser aprovadu pa uzu jeneralizadu. Vassina

é midjor proteson ki ten pa diminui risku di duensa gravi pamodi COVID-19. Toma vassina pode tanbé proteje otus pessoas pertu di bo ki inda ka toma vassina. Pa mas informason sobri seguransa di vassina, vizita [mass.gov/covidvaccinesafety](https://www.mass.gov/covidvaccinesafety).

Sta provadu ki vassina ten mutu bon rezultadu, ma é importanti pa tudu rezidentis pratika prevenson até ki es toma tudu dos dozis y ses korpu kria imunidadi. Enkuantu vassinas ten mostradu ser efikaz pa djuda pessoa vassinadu ka fika ku duensa gravi si el panha COVID-19, inda es ka da prova di diminui kapassidadi di kel pessoa pa transmiti COVID-19 pa otus pessoas. Kontinua ta faze distansiamentu sossal, uza maskra y ivita grupus, y fika na kaza si bu sinti duenti.

Si bu tiver kualker priokupason sobri toma vassina pamodi algun problema di saúdi, nu ta pidi pa bu papia ku bu dotor di familia sobri kes priokupasons. Pa mas informason sobri seguransa di vassian pa COVID-19 vizita www.mass.gov/COVIDVaccineSafety.

Mas Informason

Informason sobri vassina pa COVID-19 ta ser atualizadu regularmenti. Pur favor, uza tanbé kes rekursus li:

- [Informason sobri Vassina pa COVID-19 na Massachusetts](#)
- [Ultimus Informasons Atualizadus sobri Vassina pa COVID-19 na Massachusetts](#)
- [Kualifikason y Prazus di Distribuison di Vassina pa COVID-19](#)
- [Lugaris ki sta da Vassina pa COVID-19 gossi](#)
- [Programa di Vassinason pa COVID-19 na Massachusetts \(MCVP\)](#)
- [Informason pa funzionarius y rezidentis di instituisons di kuidadus di longu prazu, ALRs y Rest Homes \(lar\)](#)
- [Informason pa rezidentis y funzionarius di kazas assessivel pa idozus](#)
- [Informason pa profissionais di servissus di saudi a domissiliu](#)
- [Perguntas ki ta Fazedu Txeu sobri Vassina pa COVID-19](#)
- [Seguransa di Vassina pa COVID-19](#)
- [Inskreve pa Alertas sobri COVID-19](#)